

介外從五位下林連浦海、六位已下官八人爲養民司、左衛士佐從五位下、巨勢朝臣島人、丹波介從五位下、丹比宿禰真淨、六位已下官三人爲作路司、差發左右京五畿內近江丹波等國役夫、天皇服錫紵、避正殿御西廂、率皇太子及群臣舉哀、百官及畿內以三十日爲服期、諸國三日、並率所部百姓舉哀、但神鄉不在此限、勅曰、中宮七々御齋、當來年二月十六日、宜令天下諸國國分二寺見僧尼奉爲誦經焉、又每七日遣使諸寺誦經以追福焉、九年正月癸亥、以從二位藤原朝臣繼繩、正三位藤原朝臣小黒麻呂、正四位上神王、正四位下紀朝臣古佐美、從四位上和氣朝臣清麻呂、正五位下文室真人與企、從五位上藤原朝臣黑麻呂、百濟王仁貞、三島真人名繼、從五位下文室真人八島爲周忌佛齋會司、六位已下官九人、丁卯、百官釋服從吉、是日大祓、十一月戊寅、勅曰、中宮周忌當來月廿八日、禮制乍畢、新歲須及忌景俄臨、彌切罔極之痛、元正肇啓、何受惟新之歡、興言永悲、不能自忍、賀正之禮、宜從停止焉、己卯、是日當新嘗、而爲諒闇未終、於神祇官行之、十二月壬辰朔、詔曰、春秋之義、祖以子貴、此則禮經之垂典、帝王之恒範、朕君臨寓內、十年於茲、追尊之道、猶有闕如、興言念之、深以懼焉、宜朕外祖父高野朝臣、外祖母土師宿禰、並追贈正一位、其改土師氏爲大枝朝臣、夫先秩九族、事彰常典、自近及遠、義存曩籍、亦宜管原真仲、土師管麻呂等同爲大枝朝臣、

夫人爲皇太夫人

〔續日本紀九〕神龜元年二月丙申、勅尊正一位藤原夫人○母后稱太夫人、三月辛巳、左大臣正二位長屋王等言、伏見二月四日勅藤原夫人、天下皆稱太夫人者、臣等謹檢公式、令云皇太夫人、欲依勅號、應失皇字、欲須令文恐作違勅、不知所定、伏聽進止、詔曰、宜文則皇太夫人、語則大御祖、追收先勅、願下後號、

〔續日本紀三十六〕天應元年四月癸卯、天皇御大極殿、詔曰、○中朕親母高野高入平稱皇太夫人、氏冠位上奉利治奉流、

〔續日本紀四十四〕延曆八年十二月乙未、皇太后崩、○中壬子、葬於大枝山陵、皇太后姓和氏、諱新笠、中